

**Čuvgehuslávdegoddi****Áigi** 17.11.2022 dmu 12:00 - 14:10**Báiki** Teams-heivehus**Giedahallon áššit**

<b>§</b>	<b>Bajilčála</b>	<b>Siidu</b>
111	Lágalašvuohta ja mearridanváldi	4
112	Beavdegirjedárkkisteaddjiid válljen	5
113	Bargoortnega dohkkeheapmi	6
114	Áššit diehtun	7
115	Ruhtadili birra oanehaččat	8
116	Ohcejoga gieldda hálddahunjuolggadusa ođasmahttin	9
117	Sámegielaide gáiddusoahpahusa lohkanjahkeplána 2022-2023	11
118	Rávesolbmuidskuvlla oahpaheaddjiid mátkebuhtadusat	12
119	Davisámegielat mánáiddikšu mearreáigásaš doaibma 1.1.-31.12.2023	13
120	Ohcejoga gieldda árrabajásgeassima bargi virgesadjásašvuohta	14
121	Ohcejoga gieldda searvan girjerádjobiiladoaimma oamasteaddjin ovtas Unjárgga ja Deanu gielddaiguin jagi 2023 rájes	15
122	Girjeráju gáiddusluoikkahanmávssu bajideapmi	16
123	Logahaga lassemearruhta	17
124	Ohcejoga sámelogahaga viesuid láigoheami vuodustusat ja ortnetnjuolggadusat	19
125	Vuodjanhálla ja álšasáliid áššehashattiid bajideapmi	20
126	Vuoigatvuohta skuvlavuojiheapmái	22
127	Váriid sirdin nuoraidstivrras vuodjanhállii	25
128	Njuorggáma skuvlla lassemearruhta	26

**Oasseváldit**

	Namma	Dmu	Bargu	Lassedieđut
Mielde	Halonen Leevi	12:00 - 14:10	Ságadoalli	
	Hekkanen Eemeli	12:00 - 14:10	Várreságadoalli	
	Valle Liisa	12:00 - 14:10	Lahttu	
	Aikio Elle	12:00 - 14:10	Lahttu	
Eret	Halonen Kai		Lahttu	
	Seurujärvi Pirjo		Lahttu	
	Aikio Esko		Lahttu	
	Adamova Anastassia		Várrelahttu	
	Koistinen Miia		Várrelahttu	
	Koskeniemi Mika		Várrelahttu	
	Holma Lotta-Inkeri		Várrelahttu	
	Guttorm Urho		Várrelahttu	
	Holmberg Aslak		Várrelahttu	
	Niittyvuopio Anni-Sofia		Várrelahttu	
	Guttorm Väinö		Gielddaráđđehusa ságadoalli	
Länsman Vesa		Gielddaráđđehusa ovddasteaddji		
Kontio Oskari		Nuoraidstivrra ovddasteaddji		
Eará	Veskonieni Virpi	12:00 - 14:10	Rektor- čuvgehusdoaimmahoavda, áššemeannudeaddji	
	Tapiola-Länsman Kaisa	13:41 - 13:58	Astoáigečáli	
	Guttorm Tuija	12:52 - 13:09	Girjerádjodoaimmahoavda	
	Pieski Taina	12:10 - 13:41	Gielddahoavda	
	Lukkari Maritta	12:00 - 14:10	Beavdegirjedoalli	
	Jääskö Neeta	12:00 - 14:10	Tulka	
	Hakkarainen Ninni	12:00 - 14:10	Teknikkalaš čáli	

**Vuolláičállosat**Ságadoalli  
Leevi HalonenBeavdegirjedoalli  
Maritta Lukkari**Gieđahallon áššit**

111 - 128

**Beavdegirji dárkkistus**

Liisa Valle

Elle Aikio

Beavdegirji dárkkisteaddjit:

**Beavdegirji lea dollojuvvon albmosis**

24.11.2022 00:00

Almmuhantávvala dikšu

---

Lágalašvuohta ja mearridanváldi

Čuvlg 17.11.2022 § 111

Čoahkkin gávnnavuvvo leat lágalaččat čoahkkái bovdejuvvon ja mearridanválddálaš.

**Mearrádus:**

Gávnnavuvvui, ahte čoahkkin leat lágalaččat čoahkkái bovdejuvvon ja mearridanválddálaš.

Beavdegirjedárkkisteaddjiid välljen

Čuvlg 17.11.2022 § 112

Válljet čoahkkimii guokte beavdegirjedárkkisteaddji.

**Mearrádus:**

Elle Aikio ja Liisa Valle välljejuvvuiga.

Bargoortnega dohkkeheapmi

Čuvlg 17.11.2022 § 113

**Evttohus:**

Čuvgehuslávdegoddi dohkkeha áššiid gieđahallanortnega čoahkkima evttohuslisttu mielde.

**Mearrádus:**

Čuvgehuslávdegoddi dohkkehii áššiid gieđahallanortnega čoahkkima evttohuslisttu mielde ovttas lasselisttuin.

Áššit diehtun

Čuvlg 17.11.2022 § 114

Virgehálddašeaddjimearrádusat

Álgga, mii laktása oahpaheaddjiid skuvlaborademiide

Čilgehus, mii guoská jagi 2021 logahatskuvlema ovttadhatti guorahallanvuloš bajádusa ohcama

**Evttohus:**

Merkejuvvo diehtun

**Mearrádus:**

Merkejuvvui diehtun ja lassin hálldahusrievtti mearrádusat rektora giellamáhttogáibádusas ja organisašuvdnaođastusas.

Ruhtadili birra oanehaččat

Čuvlg 17.11.2022 § 115

Gullat ruhtadili birra oanehaččat.

**Evttohus:**

Merkejuvvo diehtun.

**Mearrádus:**

Merkejuvvui diehtun.



Ohcejoga gieldda hálddahunjuolggadusa ođasmahttin

67/00.01.01/2022

Čuvlg 17.11.2022 § 116

Ohcejoga gieldda hálddahunjuolggadus meroštallá gieldda hálddahusa ja doaimma ordnema sihke mearrádusdahkan- ja čoahkkinmeannudanvugiid, jos lágas ii leat nuppeláhkai mearriduvvon. Gieldda ovddit hálddahunjuolggadus lea dohkkehuvvon váldostivrras 19.6.2017.

Gieldda hálddahunjuolggadusa galgá ođasmahttit, go gieldda organisašuvdna rievdá sode-bálvalusaid ordnenovddasvástádusa sirdásettiin buresveadjinguvlui. Seammás ovdalis dán jagi gielddas mearriduvvon organisašuvdnanuppástusat biddjojuvvojit áiggi dássái hálddahunjuolggadussii. Lassin hálddahunjuolggadussii evttohuvvojit dárbblaš ođastusat, mat laktásit doaimmii sihke gieldda organisašuvdnii, sihke ođasmahttojit njunušvirgeolbmuid virgenamahusat. Oaivilin lea ahte ođđa hálddahunjuolggadus bohtá fápmui 1.1.2023.

Guovddáš nuppástusat hálddahunjuolggadussii leat:

1. Vuodđodorvolávdegotti heaittiheapmi

Go sode-bálvalusaid ordnenovddasvástádus sirdása 1.1.2023 gielddas Lappi buresveadjinguvlui, de gielddas ii leat šat dárbu vuodđodorvolávdegoddái. Muhtun ovttaskas barggut, main dálá vuodđodorvolávdegoddi vástida ja mat báhcet gieldda ovddasvástádusa vuollái, sirdojuvvojit eallinfápmo- ja teknikalaš lávdegotti ovddasvástádusa vuollái. Gielddas jávká maiddá vuodđodorvohoavdda virgi.

2. Čuvgehusdoaimma sáme- ja suomagielat juhkosiid heaittiheapmi  
Gielddastivra lea mearridan 7.4.2022 heaittihit čuvgehusdoaimma giellajuhkosiid ja daid barggut sirdojuvvojit čuvgehuslávdegoddái.

3. Teknikkalaš ja eallinfápmolávdegottiid ovttastahttin

Go sode-bálvalusat sirdásit buresveadjinguvlui, de gieldda rolla eallinfámu nannemis bohtá ain čielgasabbot ovdan. Eanapolitihkka, lávvaáššit, viesso- ja giddodatáššit leat nannosit čatnagasas gieldda eallinfámu ja ealáhuspolitihka ovddideapmái. Ohcejoga deaividan fáhkkes ráhkadusnuppástusa čuovvumuššan teknikkalaš ja eallinfápmodoaimmasurggiid oktasaš strategalaš mihttomearit ja njuovžilis oktasašbargu leat gieldda kritihkalaš menestuvvandagaldagat. Goappáge doaimmasuorggi ii sáhte dárkkodit smávva gielddas sierra nubbi nuppis. Danin teknikkalaš ja eallinfápmodoaimmasuorggi áššiid virgeolbmuidvállmmaštallama ja politihkalaš gieđahallama livččii strategalaččat dárbu ovttastahttit ovtta ovttastahtton lávdegotti ovddasvástádusa vuollái. Ođastus

geahppudivččii maid hálddahusa ja beavttálmahtášii resurssaid geavaheami.

Ođastus guoskkašii teknihkalaš ja eallinfápmolávdegottiid ovttahttima oktan eallinfápmo- ja teknihkalaš lávdegoddiin, mas livčče 9 lahtu. Teknihkalaš ja eallinfápmodoaibmasuorggit seillošedje iežaset doaibmasuorgin oktan ekonomalaš ovddasvástádusain. Virgeolbmuid ja doaibmaolbmuid barggut eai lávdegottiid ovttahttima geažil rievddaše.

Doaibmasurggiid vejolaš maŋnelaš ovttahttima sáhtta dárbbu mielde árvvoštallat ee. ovttahtton lávdegoddebargamis fitnašuvvan vásáhusaid vuodul jagi 2024 doaibma- ja ekonomiiaplána válmmaštallama oktavuodas.

### **Evttohus:**

Čuvgehuslávdegoddi dohkkeha bealistis gieldda ođđa hálddahusjuolggadusa nu ahte dat boadášii fápmui 1.1.2023.

### **Mearráduš:**

Mearráduš evttohusa mielde.

Sámegielaideid gáiddusoahpahusa lohkanjahkeplána 2022-2023

68/12.00.01/2022

Čuvlg 17.11.2022 § 117

Projeaktahoavda Hanna Helander lea gárvvistan sámegielaideid gáiddusoahpahusa lohkanjahkeplána 2022-2023 (lassemateriálan).

**Evttohus:**

Čuvgehuslávdegoddi dohkkeha gáiddusoahpahusprojeavtta lohkanjahkeplána 2022-2023.

**Mearrádus:**

Čuvgehuslávdegoddi dohkkehii gáiddusoahpahusprojeavtta lohkanjahkeplána 2022-2023.

Rávesolbmuidskuvlla oahpaheaddjiid mátkebuhtadusat

15/12.03.01/2014

Čuvlg 17.11.2022 § 118

Rávesolbmuidskuvlla oahpaheaddjiide máksojuvvo mátkebuhtadus ruovttu ja bargobáikki gaskkas OVBESa mielde. Ovddit OVBESas mátkebuhtadusas leamašan iežasvástuoassi, mii lea 6km ovttá guvlui. Jagis 2022 ođasmahtton ođđa OVBESas lea nuppástus iežasvástuoasis nu, ahte mátkebuhtadus máksojuvvošii easka, go mátki ovttá guvlui lea eanet go 20km. Lappi oahpahatbiire rávesolbmuidskuvllain lea ságastallon dán nuppástusas ja stuorámus oasis Lappi rávesolbmuidskuvllaid lea mearriduvvon doalahit ovddeš iežasvástuoasi. Nappo mátkkit buhttejuvvojit, go mátki ovttá guvlui lea eanet go 6km. Lea oidnojuvvon, ahte dat álkidahtta oahpaheaddjiid rekryterema.

Ášši válmmaštalaš čuvgehusovda-reaktor Virpi Veskonieni.

**Evttohus:**

Ohcejoga rávesolbmuidskuvlla oahpaheaddjiide máksojit oahpahussii laktáseaddji mátkebuhtadusat almmolaš mátkkoštanrávvaga mielde, go mátki ovttá guvlui lea eanet go 6km.

**Mearrádus:**

Mearrádus evttohusa mielde.

Davvisámegielaht mánáiddikšu mearreáigásaš doaimba 1.1.-31.12.2023

5/01.01.01/2022

Čuvlg 17.11.2022 § 119

Ohcejoga gieldda davvisámegielaht mánáiddikšu mearreáigásaš doaimba 1.1.-31.12.2023 leamašan ohcanláhka 8.9.-31.10.2022, sajuštanbáikin Gáregasnjárgga giellabeassi. Ohcanalmmuhus lea almmustahtton gieldda ruoktosiidduin, Kuntarekrys sihke bargofápmodoaimmahaga siidduin.

Mearreáigái bođii okta ohcamuš. Ohcci lea bargan Ohcejoga gieldda mánáiddikšun čakčat 2022 ja Anarâškielâ servi ry:s mánáiddikšun.

Ášši válmmaštala árrabajásgeassinhoavda Tea Raudasoja

**Evttohus:**

Čuvgehuslávdegoddi vállje davvisámegielaht mearreáigásaš mánáiddikšu doaimbi 1.1.–31.12.2023 Sari Sarre.

**Mearráduš:**

Mearráduš evttohusa mielde.

Ohcejoga gieldda árrabajásgeassima bargi virgesadjásašvuotta

5/01.01.01/2022

Čuvlg 17.11.2022 § 120

Ohcejoga gieldda árrabajásgeassima bargi virgesadjásašvuotta 1.11.2022-31.5.2024 leamašan ohcanláhka 7.9.-27.10.2022, sajuštanbáikin Njuorggáma beaiveruoktu. Ohcanalmuhus lea almmustahtton gieldda ruoktosiidduin, Kuntarekrys sihke bargofápmodoaimmahaga siidduin.

Mearreáigái bođii okta ohcamuš. Ohcci lea bargan doaimmaváttolaččaiguin, boarrásiiguin ja mánáiguin sihke váldodoaimmasaččat koahkkan.

Ášši válmmaštala árrabajásgeassinhoavda Tea Raudasoja

**Evttohus:**

Čuvgehuslávdegoddi vällje árrabajásgeassima mearreáigásaš mánáiddikšu doibmii 1.11.2022– 31.5.2024 Emilia Oja.

**Mearrádus:**

Mearrádus evttohusa mielde.

Boddu 12.52-12.59

Ohcejoga gieldda searvan girjerádjobiiladoaimma oamasteaddjin ovttas Unjárgga ja Deanu gielddaiguin jagi 2023 rájes

70/12.03.02/2022

Čuvlg 17.11.2022 § 121

Ohcejoga gielda lea oastán oastobálvalussan Unjárgga gielddas girjerádjobiiladoaimma jagi 2020 rájes. Oastobálvalussoahpamušas lea váldon vuhtii Ohcejoga gieldda opšuvdna ohcalit oktan doaimma oamasteaddjin ovttas Deanu ja Unjárgga gielddaiguin.

Seammalágan ortnet Ohcejoga gielddas lei golmmalogi jagi áigge Kárášjoga ja Porsáŋggu gielddaiguin.

Ohcejoga gielda oažžu Oahpahus- ja kulturministeriijas girjerádjobiiladoaimma várás doarjaga, mii gokčá buot eará goluid, earet materiálagoluid. Doarjja ohccojuvvo jahkásaččat OKM:s.

Doarjaga oažžuma eaktun lea davviriikkalaš oktasašbargu.

Geavadis molssaeavttut leat guokte; jogo gielda searvá oktan girjerádjobiiladoaimma oamasteaddjin dahje dasto joatká doaimma oastima oastobálvalussan, nu mo dänge rádjai.

Doaimma eaiggátvuođa ovdun leat rádjaoktasašbarggu nannen Norgga ránnjágielddaiguin Deanuin ja Unjárggain. Lassin Ohcejoga gielddas lea eanet váikkuhanváldi mearrádusdahkamiin, mat laktásit girjerádjobiiladoibmii. Dát ortnet ii mávsse gildii maidige, dasgo girjerádjobiilla oažžu 100 % doarjaga stáhtas.

Ášši válmmaštalai girjerádjodoaimmahoavda Tuija Guttorm

#### **Evttohus:**

Mearridat searvat girjerádjobiiladoaimma oamasteaddjin jagi 2023 álggu rájes ovttas Unjárgga ja Deanu gielddaiguin.

#### **Mearrádus:**

Mearrádus evttohusa mielde.

Girjeráju gáiddusluokkahanmávssu bajideapmi

151/12.03.02/2017

Čuvlg 17.11.2022 § 122

Áššehasat sáhttet várret Ohcejoga girjerádju girjiid Lappi eará girjerájuin nuvttá. Dán lassin áššehasaide lea vejolaš dahkat gáiddusluokkahanbivdagiid Suoma eará almmolaš girjerájuin sihke universitehtain ja ámmátlaš oahppolágádusain. Dát dingomat goit mákset, dasgo dat bohtet Poastta bokte. Oppalaš haddedási loktaneapmi lea lasihan bajidandeattu hattiide. Ovddit haddi áššehasas lea leamaš 7€/girji, muhto dál girjerádju boahhti girjjit mákset Ohcejoga girjerádju 9 €/girji. Danin hatti galggašii bajidit 9 €/girji.

Ášši válmmaštalai girjerádjodoaimmahoavda Tuija Guttorm

**Evttohus:**

Mearridat bajidit gáiddusluokkahanmávssu 9 €/girji.

**Mearrádus:**

Mearrádus evttohusa mielde.



Logahaga lassemearruhta

71/02.02.01/2022

Čuvlg 17.11.2022 § 123

Ohcejoga sámelogahagas lea liigegeavahus bušeahta 2022 hárrái.

TA 2022  
482 892Geavah. 2.11.2022  
94,2%Árvvošt.liigegeav. 2022 TP 2021  
60 000 541 713

Ohcejoga sámelogahagas lea liigegeavahus bušeahta 2022 hárrái sullii 50 000 - 60 000 euro. Bušeahtta bohtá mannat badjel dan veardde, go bušehttii 2022 ledje manut geahpeduvvon rehketoallooahpaheami 2021 ektui. Bušeahtta 2022 ii leat leamaš realisttalaš, go jurddaša logahaga dili giđđat 2022 ja čakčat 2022. Nuppástusat lohkanortnegii ja goluide eai leat dahkkon gaskan lohkanjagi 2021 – 2022. Ođđa rektora álggahettiin borgemánus dillái ii leat leamaš vejolaš váikkuhit mearkkašahtti láchkai almmá ahte oahpahus das gillá. Oahpahusordnemiin lea gal sestojuvvon: gurssat, main leat uhcán oasseváldit, čađahuvvojit iehčanassan ja muhtun gurssat dollojuvvojit oktanaga. Bušeahta 2022 gárvvistettiin ii leat leamaš dieđus giđa 2022 logahakkii ohcciid mearri. Logahagas leat lohkanjagis 2022 – 2023 30 oahppi.

Logahaga golut bohtet váldooasis oahpaheaddjiid bálkkáin. Dáin lea hástaleaddji seastit, dasgo dat oaivvildivččii gurssaid geahpedeami. Logahagas galgá figgat dasa, ahte stuđeantačállošiid ávdnasiin leat gelbbolaš oahpaheaddjit. Logahaga gurssaid galgá ordnet ja váldooasis čađahit dihto ortnega mielde, ja gursafálaldat galgá dahkat dan vejolažžan. Ohcejoga Sámelogahaga geasuhus lea lassánan mearkkašahtti ollu manjimuš jagiin, muhto dan bisuheapmi gáibida buori oahpahusa ja doarvái ollu válljenmuniid.

Bálkkáid lassin golut šaddet logahatoahppiid ássamis. Lohkanjagis 2021 – 2022 logahatoahppiin ii leat berrojuvvon láigu ássamis. 18 jagi deavdán logahatoahppiin lea goit vejolaš bearrat láiggu ja sii sáhttet oažžut láigguin Kela ássandoarjaga. Logahatoahppit sáhttet ohat gielddas ássandoarjaga ja láiggu gaskasaš golus doarjaga. Lohkanjagis 2022 – 2023 láiggu leat bearragoahtán.

Logahatskuvlema ruhtadit Suomas nu, ahte gielddaide boahhti stáhtaossodagaid mielde bohtá maid meroštallon ruhta, ovtadathaddi, per logahatoahppi. Ovtadathaddi rehkenasto jahkásaččat. Gaskamearálaš ovtadathaddi jagis 2022 lei 7.157 euro. Ohcejoga ovtadathaddi lea 13.942,29 jagis 2022. Ovtadathaddi gerdojuvvon oahppimeriin lea rehkenastimii vuodduvvi doarjja logahatoahpahussii.

Rehkenastimii vuodđuduvvi oaivvilda dan, ahte das geahpeduvvo logahatskuvlema iežasvástuoassi (s. 100 000 jahkásaččat), man gielda galgá nappo máksit, lei logahat dahje ii, nu mo mii máksit maid ámmátlaš skuvlema iežasvástuoasi jahkásaččat (s. 220 000).

Ovttadathaddi máksojuvvo logahaga oahppimeari mielde stáhtaossodagaid mielde ja dat molsašuddá jahkásaččat. Ovttadathaddi ii nappo oidno logahaga bušeahtas, baicce lea mielde oppa gieldda stáhtaossodagain. Oahppimearit lohkojuvvojit čakčamánus ja ođđajagimánus. Dál logahaga oahppimeriid lea váttis einnostit ovddosguvlui, dasgo mearkkašahtti oassi oahppiin boahá gieldda olggobealde.

Dán lassin smávva logahagain lea vejolašvuohta ohcat sierra ohcama oktavuodas čakčamánus guorahallanvuloš ovttadathatti bajádusa čuovvovaš jahkái. Dat lea ohcon jahkái 2022.

2022 ovttadathattit

Ohcejoga vuodđoovttadathaddi 13.942,29

Bajiduvvon guorahallanvuloš ovttadathaddi 30.533,62

Giđa ovttadagat 20, čavčča ovttadagat 29 (rehkenastinbeaivve) = rehkenastimii vuodđuduvvi ossodat sullii 750 000.

li maddái guorahallanvuloš bajádus oidno logahaga bušeahtas dahje rehketoalloloahpaheamis.

Ášši válmmaštalai rektor Laura Arola

### **Válmmaštalli evttohus:**

Logahakii mieđihuvvo lassemearruhta 60 000 jahkái 2022.

### **Áššemeannudeaddji evttohus:**

Čuvgehuslávdegoddi mearrida addit čuvgehusdoaimma-reaktorii vuoigatvuođaid dahkat čuvgehusdoaimma bušeahta siste sirdimiid konttu nammii nu, ahte čuvgehusdoaimma ovttadagaid badjel manni oasit gokčojuvvojit eará čuvgehusdoaimma ovttadagain seastašuvvan ruđain.

### **Mearrádus:**

Áššemeannudeaddji evttohus dohkkehuvo.

Utsjoen saamelaislukion asuntojen vuokraamisen perusteet ja järjestyssäännöt

72/12.00.01/2022

Čuvlg 17.11.2022 § 124

Ohcejoga sámelogahagas ii leat ásodat, muhto Ohcejoga gielda fállá sámelogahaga oahppiide oahppiviesuid skuvlla bálddas. Logahaga oahppiviesu oažžun gáibida váldodoaibmasaš stuđerema Ohcejoga sámelogahagas.

Ohcejoga sámelogahaga láigoviesut leat oaivvilduvvon:

1. Vuosttas sajis oahppogeatnegasvuoda čadaheaddji oahppiide, geat eai sáhte beaivválaččat johtit skuvlasáhtu mielde logahagas.

Jos lanjat leat friija, de viesuid sáhttet oažžut:

2. badjel 18-jahkásaš nuoraiddási oahppit oahpuideaset lohppii

3. skuvlavuojihemiide vuoigadahtton oahppit.

Viessodárbu meroštallo guhtege oahppi buohta sierra, ja viesu sáhttá ohat maid eará ákkaid vuodul, ovdamearkka dihte sosiálalaš sivaidd geažil.

Ássan lea nuvttá oahppogeatnegasvuoda čadaheaddji oahppiide. Lanjain mákset goit láiggu dat oahppit, geat leat vuoigadahtton Kela ássandoarjagii. Ohcejoga gielddas oažžu ohcamuša mielde ássandoarjaga ja láiggu gaskasaš erohussii doarjaga. Lanjain čállojuvvo láigosoahpamuš. Lanjat láigohuvvojit skuvlla lohkanjagi áigodahkii. Oahppi sáhttá láigohit iežas lanja geasseáigái ovdamearkka dihte geassebarggu geažil. Dákkár dilis oahppi máksá láiggu, vaikko čadahivččii oahppogeatnegasvuoda. Láigu dárkkistuvvo jahkásaččat.

Logahaga viesuin čuovvut ortnetnjuolggadusaid. Njuolggadusaid oaivilin lea dorvvastit oahppiide stuđerrenráfi oahpuidd áigge sihke seailuhit viesuid buorre ortnegis.

Láigoheami vuodustusat ja ortnetnjuolggadusat leat lassemateriálan.

Ášši válmmaštalai rektor Laura Arola

### **Válmmaštalli evttohus:**

Čuvgehuslávdegoddi dohkkeha Ohcejoga sámelogahaga viesuid láigoheami vuodustusaid ja ortnetnjuolggadusaid.

### **Mearrádus:**

Mearrádus válmmaštalli evttohusa mielde.

Vuodjanhálla ja álšasáliid áššehashattiid bajideapmi

73/12.04.00/2022

Čuvlg 17.11.2022 § 125

Ohcejoga vuodjanhálla sadjeláigu lea 80 000 euro jagis 2023. Jagis 2022 láigu lea leamaš 45 000 euro. Vuodjanhálla bileahaid hattiid galggašii bajidit ja dain lea bajidanvárra vuodjanhálla bargiid evttohusa mielde uhcimustá 15-20 %.

Maiddá álšasáliid sadjeláiggut badjánit, Ohcejogas 3000 euro ovddit jagi ektui 9000 euroi, Gáregasnjárggas 1000 euro ovddit jagi ektui 7000 euroi ja Njuorggámis bajádus lea sullii 250 euro. Maiddá álšasáliid čoavdagiid hattiin lea bajidanvárra.

#### Haddebajidanevttohus

Buvtta	Haddi dál	15% bajádus	20% bajádus	25-35% bajádus
Vuodjanhálla				
Rávesolbmuid bileahhta	4 e	4,60 e	4,80 e	5 e
Ealáhatolbmuid bileahhta	3 e	3,45 e	3,60 e	4 e
Skuvlalaččaid bileahhta	2 e	2,30 e	2,40 e	2,50 e
Mánáid bileahhta	1,50 e	1,70 e	1,80 e	2 e
Álšasálet				
Geardemáksu	3 e	3,45 e	3,60 e	4 e
1mb	12 e	13,80 e	14,40 e	15 e
Jahki	96 e	110 e	115 e	120 e
Ealáhatolbmot jahki	72 e	83 e	86 e	90 e
Bearašmáksu	144 e	166 e	173 e	180 e

Eanemus bajidanvárra lea álšasáliid geardebileahtain ja 1 mánotbaji čoavdagiin.

Vuodjanhálla teknihkalaš seastindoaiman vuodjanhállas lea vuoliduvvon álddesčázi ja sisáimmu temperatuvra 1 grádain, automáhtariššut leat muddejuvnon 30 sekundii ja áššehasaid rávvejit leat geavatkeahtá liiggás čázi ja elrávnnji. Riššočázi temperatuvrra ii gánnát vuolidit, dasgo galbma čáhci sáhtá dagahit dan, ahte áššehasat eai basat albmáláhkai ovdal vuodjama, mii fas lasihivččii álddesčázi duolvvasvuoda.

Ášši válmmaštala asttuáiggečáli Kaisa Tapiola-Länsman

#### Evttohus:

Beavdegirjii dárkkisteaddjit:

Čuvgehuslávdegoddi mearrida laktet vuodjanhálla ja álšasáliid hattiid 25-35 % bajidanevttohusa mielde. Bajádusat bohtet fápmui 1.1.2023.

**Mearrádus:**

Čuvgehuslávdegoddi mearrida laktet vuodjanhálla ja álšasáliid hattiid ná:

	Haddi dál	Haddi 1.1.2023 rájes
Vuodjanhálla		
Rávesolbmuid bileahhta	4 e	5 e
Ealáhatolbmuid bileahhta	3 e	4 e
Skuvlalaččaid bileahhta	2 e	2,50 e
Mánáid bileahhta	1,50 e	2 e
Álšasálet		
Geardemáksu	3 e	4 e
1mb	12 e	15 e
Jahki	96 e	120 e
Ealáhatolbmot jahki	72 e	90 e
Bearašmáksu	144 e	180 e

Vuoigatvuohta skuvlavuojiheapmái

10/12.00.01/2020

Čuvlg 17.11.2022 § 126

Ohcejoga gielddaráđdehus lea dohkkehan skuvlavuojiheangeavadiid čoahkkimisttis 7.5.2002 § 110. Dat leat bohtán fápmui 1.8.2002 rájes. Skuvlavuojiheamiid oktasašfuolahusas lea čuvgehuslávdegoddi dahkan mearrádusa 20.02.2020 § 11.

Vuođđooahpahušlága 32 § mielde oahpahusa lágideaddji lea geatnegas ordnet oahppi nuvttá skuvlasáhtu dahje veahkehit doarvái bures oahppi vuojiheami, jos oahppi skuvlamátki lea badjel 5 km dahje skuvlamátki šaddá oahppái menddo váttisin, váralažžan dahje lossadin, go váldojuvvo vuhtii oahppi ahki dahje eará dilli. Jos ovdaoahpahusa oažžu oahppi mátki ruovttus ovdaoahpahussii dahje árrabajásgeassinlágas oaivvilduvvon árrabajásgeassinbáikkis ovdaoahpahussii lea vihtta kilomehtera guhkit, de oahppis lea vuoigatvuohta nuvttá vuojiheapmái ruovttus njuolga ovdaoahpahussii dahje árrabajásgeassimis ovdaoahpahussii ja ovdaoahpahas ruoktot dahje árrabajásgeassimii.

Oahppogeatnegasvuođalága 16§ mielde nuppi dási oahppovázzi lea vuoigatvuohta nuvttá oahpahussii. Oahppogeatnegasvuođalága 21§ mielde oahppogeatnegas lea vuoigadahtton mátkebuhtadussii, jos son oažžu orrunbuhtadusa. Dán dilis mátkebuhtadussan buhttejuvvojit oahppogeatnegasa ruovttu ja stuđerenviesu gaskasaš mátkkiin šaddi golut vahkuloahpaid ja luomuid oktavuodas. Orrunbuhtadus máksojuvvo oahppogeatnegassii jahkásaš oahpuid álgín- ja nohkanbeaivvi gaskasaš áigodagas, jos oahpuid čadaheami geažil ferte ássat oahppolágádusa sajádatbáikegottis. Orrunbuhtadussan buhttejuvvojit oahppogeatnegassii oahpuid áigge ássamis šaddi govttolaš mánnosaš ássangolot, eanemustá goit almmolaš ássandoarjagis addojuvvon lága (938/2014) 10 §:s mearriduvvon stuorámus vejolaš ássanmanut. Orrunbuhtadussan máksojuvvo dat oassi govttolaš ássangoluin, mat eai buhttejuvvo eará lága vuođul.

Oahppovázzi lea vuoigadahtton 19§ mielde oahppolágádusa bargoaiggis orrunbuhtadussii, jos čuovvovaš eavttut ollašuvvet:

- 1) mátki oahppogeatnegasa ruovttus lagamus dakkár logahakkii dahje mánggasuorggat ámmátlaš oahppolágádussii, gos lea vejolašvuohta oažžut oahpahusa oahppogeatnegasa vuođđooahpahušlága 10 §:s oaivvilduvvon oahpahušgiela mielde suoma- dahje ruoŋagillii, lea badjel 100 kilomehtera;
- 2) son stuđere dakkár ovddabealde 1 čuoggás oaivvilduvvon logahagas dahje ámmátlaš oahppolágádusas, mii lea lagamus oahppogeatnegasa ruovttu dahje gosa muđui joavkojohtolaga dahje eará heivvolaš johtinvuogi geavahemiin lea jođánamos

johtinoktavuohta ja gos lea vejolašvuohta oažžut oahpahusa oahppogeatnegasa vuodđooahpahuslága 10 §:s oaivvilduvvon oahpahusgiela mielde suoma- dahje ruohtagillii; ja  
3) sus ii leat vejolašvuohta ássat oahppolágádusa nuvtá ásođagas. Mátkebuhtadus máksojuvvo hálbimus mátkkoštanvuogi mielde, mii lea geavaheamis. Jos mátkkiide ii leat vejolašvuohta geavahit joavkojohtolaga, de heivehuvvo mátkegoluid meroštallamis, mii skuvlamátkedoarjalágas mearriduvvo iežas mátkkoštanvuogi mátkegoluin. Mátkebuhtadus ii miedihuvvo, jos oahppogeatnegas oažžu doarjaga vástideaddji mátkkiin šaddi goluide eará lága vuodul.

Skuvlamátkedoarjalágas 30.12.2020/1223 §3 lea meroštallon, ahte logahaga oahppovázziiin lea vuoigatvuohta skuvlamátkedoarjagii skuvlamátkkiide go

- skuvlamátki ovttá guvlui oahppovázzi viesus oahppolágádussii lea uhcimustá 10km
- skuvlamátki golut leat badjel 54 euro

Oahppovázzi máksá ieš mátkkistis álo uhcimustá 43 euro mánotbajis. Váldonjuolggadusa mielde skuvlamátkedoarjja juolluduvvo almmolaš johtolaga geavaheamis šaddan goluide. Oahppolágádus dieđiha oahppovázziide vuoigatvuodas oažžut skuvlamátkedoarjaga, dárkkista ohcamušas ja oastoduođaštusas addojuvvon dieđuid sihke doaimmaha ohcamušaid Kela báikkálašdoaimmahahkii. Skuvlamátkedoarjja ohccojuvvo Álbmotealáhatlágádusas. Ohcamuš guđđo Álbmotealáhatlágádussii. Ohcamuša sáhtá guođdit maiddái áššáiguoskevaš oahppolágádussii, gos dat doaimmahuvvo Álbmotealáhatlágádussii (Skuvlamátkedoarjaláhka 7.5.2004/346 §6)

Ášši válmmaštalai čuvgehusoavda-reaktor Virpi Veskonieni

### **Evttohus:**

Čuvgehuslávdegoddi mearrida

- 1) doallat fámus 20.02.2020 § 11 mearrádusa, mas oktasašfuolahusas skuvlavuojiheapmi ákkastallon sivaidd geažil eará sajis go máná álbmotregisterii merkejuvvon orrunbáikkis ordnejuvvo nuvtá dan dáhpáhusas, ahte ruvttu vuddjojuvvo muđuige ja das eai šatta lassegolut. Jos vuojiheapmi daid sáhtuid mielde, mat leat geavaheamis, ii leat vejolaš, de fuolaheaddjit vástidit skuvlavuojiheamis
- 2) ahte nuvtá skuvlavuojiheapmi ordnejuvvo ovdaoahpahusa ja vuodđooahpahusa jahkeluohkáid 1-3 oahppái, gean skuvlamátki lea badjel 3 km
- 3) ahte nuvtá skuvlavuojiheapmi ordnejuvvo jahkeluohkáid 4-9 oahppiide, geaid skuvlamátki lea badjel 5 km
- 4) ahte nuvtá skuvlavuojiheapmi ordnejuvvo ovda-, vuodđo- dahje lasseoahpahusa oahppái, jos skuvlamátki šaddá menddo váttisin, váralažžan dahje lossadin, vaikko skuvlamátki ii livčče badjel 3km/5 km.

- 5) vuojiheami biires leahkki oahppi skuvlavuojieapmi ordnejuvvo nu, ahte ovdaoahpahusa dahje jahkeluohkáid 1-6 oahppi vázzinmátki vuordinbáikái ovttá guvlui lea eanemustá 1 km ja eará oahppiin eanemustá 3km
- 6) jos vuodđoskuvlla oahppi válđojuvvo eará go lagašskuvlii, vástida fuolaheaddji oahppi vuojiheamis dan oasis go dat manná badjel mátkki lagašskuvlii
- 7) logahaga oahppovázziide eai ordnejuvvo sierra vuojiheamit ruovttu dahje stuđerenviesu ja logahaga gaskii
- 8) logahaga oahppovázzi sáhtá válđit skuvlavuojieapmái ovttas vuodđoskuvlalaččaiguin, jos mátki ruovttu ja skuvlla gaskkas lea badjel 5 km.

**Mearrádus:**

Mearrádus evttohusa mielde.



Váriid sirdin nuoraidstivrras vuodjanhállii

87/02.02/2021

Čuvlg 17.11.2022 § 127

Vuodjanhállii jahkái 2022 várrejuvvon bušeahtta lea mannamin badjel. Oktan sivvan dása leat lávvardaga rabasáiggit, maid lei oaivil gokčat asttuáiggedoaimmas siskkáldasat. Nuoraidstivrra bušeahtta lea šaddamin vuollebázalažžan, dasgo nuoraidstivrras lea jođus ovddidanprojeakta Nuorat mielde!, man várit leat geavahuvvon nuoraidstivrra doaimmaide jagis 2022.

Ášši válmmaštalai asttuáiggečálli Kaisa Tapiola-Länsman.

**Evttohus:**

Vuodjanhállii sirdojuvvojit nuoraidstivrras várit 5000 euro.

**Áššemeannudeaddji evttohus:**

Čuvgehuslávdegoddi mearrida addit čuvgehushoavda-rektorii vuoigatvuođaid dahkat čuvgehusdoaimma bušeahta siste sirdimiid konttu nammii nu, ahte čuvgehusdoaimma ovttadagaid badjel manni oasit gokčojuvvojit eará čuvgehusdoaimma ovttadagain seastašuvvan ruđain.

**Mearrádus:**

Mearrádus áššemeannudeaddji evttohusa mielde.

Njuorggáma skuvlla lassemearruhta

87/02.02/2021

Čuvlg 17.11.2022 § 128

Njuorggáma skuvlla bušeahtas 2022 lea 7.11 geavahuvvon 260 045€ dahjege 81,1% das mii lea plánejuvvon. Rehkegiid mielde bušeahtta boahdá mannat badjel sullii 2000€-6000€. Oktan sivvan bušeahta badjelmannamii lea dat, ahte Njuorggáma skuvllas leat boađut sullii 10 000€ uhcit go lea árvvoštallon. Lassin skuvlii lea bálkáhuvvon lága geatnegahttima mielde okta oasseáigásaš bargi eanet go mii álgosaš bušeahtas lea rehkenaston.

Ášši válmmaštalai čuvgehusuoavda-reaktor Virpi Veskonieni

#### **Evttohus:**

Čuvgehuslávdegoddi mearrida evttohit gielddaráđđehussii ja ain váldostivrii, ahte Njuorggáma skuvlii juolluduvvo jahká 2022 lassemearruhta eanemustá 6000€.

#### **Áššemeannudeaddji nuppástusevttohus:**

Čuvgehuslávdegoddi mearrida addit čuvgehusuoavda-reaktorii vuoigatvuođaid dahkat čuvgehusdoaimma bušeahta siste sirdimiid konttu nammii nu, ahte čuvgehusdoaimma ovttadagaid badjel manni oasit gokčojuvvojit eará čuvgehusdoaimma ovttadagain seastašuvvan ruđain.

#### **Mearráduš:**

Mearráduš áššemeannudeaddji nuppástusevttohusa mielde.

## Nuppástusohcangildosat

<b>Gildosiid vuodđu</b>	Čuovvovaš mearrádusain ii gielalága 136 § mielde oaččo dahkat vuigengáibádusa iige gielaváidaga, dasgo mearrádus guoská dušše válmmaštallama dahje ollašuhttima: Paragrátat 112-116,123,127-128
	Dasgo mearrádusas sáhtá dahkat gielalága 137 § 1 mom. mielde čálalaš vuigengáibádusa, de čuovvovaš mearrádusaide ii oaččo ohcat nuppástusa váidimiin: Paragrátat 111,117-122,124-126
	Hálddahuslágageavahanlága (HallintolainkäyttöL) 5 § / eará lánkaásahusa mielde čuovvovaš mearrádusaide ii oaččo ohcat nuppástusa váidimiin. Paragrátat ja váidingildosiid vuoddosat

## Vuigengáibádusrávvagat

<b>Vuigen- gáibádus- virge- oapmahaš ja –áigi</b>	Čuovvovaš mearrádusaide duhtameahtun olmmoš sáhtá dahkat čálalaš vuigengáibádusa. Virgeoapmahaš, geasa vuigengáibádus dahkkojuvvo, čujuhus ja poastačujuhus:  <b>Ohcejoga gielddaráđdehus PB 41 99981 Ohcejohka</b>  Paragrátat 111,117-122,124-126
	Vuigengáibádusa galgá dahkat 14 beavve siste mearrádusa diehtunoažžumis. Vuigengáibádusáiggi rehkenstedettiin diehtunoažžunbeaivi ii váldojuvvo lohku. Gieldda lahttu gehččojuvvo ožžon mearrádusas dieđu čieža beavve geažes das, go beavdegirji lea biddjon oaidninláhka almmolaš diehtofierbmái.
<b>Vuigen- gáibádusa sisdoallu</b>	Vuigengáibádusas galgá boahit ovdan gáibádus oktan vuodosiiguin ja dan galgá dahkki čállit vuollái.

## Váiddačujuhus

<b>Váiddavir- geoapma- haš ja váidináigi</b>	Čuovvovaš mearrádusaide oažžu ohcat nuppástusa čálalaš váidagiin. Vuigengáibádusas addojuvvo mearrádussii oažžu ohcat nuppástusa gielaváidagiiguin dušše dat, gii lea dahkan vuigengáibádusa. Jos mearrádus lea vuigengáibádusa geažil nuppástuvvan, de mearrádussii oažžu ohcat nuppástusa gielaváidagiiguin maidái áššáiosolaš sihke gieldda lahttu.	
	Váiddavirgeoapmahaš, čujuhus ja poastačujuhus  Uksačujuhus: Pohjois-Suomen hallinto-oikeus Isokatu 4, Oulu Poastačujuhus: PL 189 90101 OULU	
	Gieldaváidda, paragrátat	Váidináigi 30 beavvi
	Hálddahusváidda, paragrátat	Váidináigi beavvi
	Eará váiddavirgeoapmahaš, čujuhus ja poastačujuhus Paragrátat	Váidináigi beavvi  beavvi  beavvi
	Váidináigi álgá mearrádusas dieđu oažžumis. Váidináiggi rehkenstedettiin diehtunoažžunbeaivi ii váldojuvvo lohku.	

Laktojuvvo beavdegirjái

<b>Váiddagirji</b>	<p>Váiddagirjji galgá almmuhit</p> <ul style="list-style-type: none"> <li>- váidi nama, poastačujuhusa, ruovttugieldda ja telefonnummira</li> <li>- mearrádusa, masa ohcá nuppástusa</li> <li>- man ráje mearrádusas váidojuvvo ja nuppástus, mii dasa gáibiduvvo dahkat</li> <li>- nuppástusgáibádusa ákkaid</li> </ul> <p>Váiddagirjji galgá váidi dahje váiddagirjji eará ráhkadeaddji vuolláičállit. Jos dušše ráhkadeaddji lea vuolláičállán váiddagirjji, de das galgá máinnašit maiddái ráhkadeaddji ássangieldda, poastačujuhusa ja telefonnummira.</p> <p>Váiddagirjái galgá laktit mearrádusa, mas váidá, álgoálgosažžan dahje virggi beales riektadin duođaštuvvon kopijjan sihke duođaštusa das man beavve mearrádus lea addojuvvon diehtun dahje eará čilgehusa, man rájes váidináigi galgá lohkojuvvot.</p>
<b>Váiddaáššegirjjiid doaimmaheapmi</b>	<p>Váiddaáššegirjjiid galgá doaimmahit váiddavirgeoapmahažžii ovdal váidináiggi nohkama. Jos váidináiggi maŋimus beaivi lea bassebeaivi, iehčanasvuodabeaivi, válborebeaivi, juovla- dahje jonsotruohtta dahje árgalávvardat, de váiddaáššegirjjiid oažžu doaimmahit váiddavirgeoapmahažžii vuosttas beavve dan maŋŋá. ležas ovddasvástádusain váiddaáššegirjjiid sáhtta sáddet poastta dahje áirasa mielde. Postii váiddaáššegirjjiid berre guođđit nu áiggil, ahte dat gerget boahit mearrebáikái ovdal go váidináigi nohká.</p> <p>Váiddaáššegirjjiid sáhtta doaimmahit maid: namma, čujuhuse, poastačujuhuse Paragrafat</p> <p>Váiddaáššegirjjiid galgá doaimmahit 1): namma, čujuhuse, poastačujuhuse Paragrafat</p>
<b>Lasse-dieđut</b>	<p><b>Dárkilis vuigengáibádusráva/váiddačujuhuse laktojuvvo beavdegirjji váldosii.</b></p>

<sup>1)</sup> Jos doaimmahuvvo eará sadjái go váiddavirgeoapmahažžii.